

**საოფისე აპარატურის შეკეთებისა და ტექნიკური მომსახურების
სახელმწიფო შესყიდვის შესახებ საქართველოს ოლქის მინისტრის 2013 წლის 18 იანვრის №42 ბრძანებით
დამტკიცებული სატენდერო კომისიის სხდომის
ოქმი №1**

ქ. თბილისი

24 - „ნოემბერი“ - 2021 წ.
14:00 - სთ

სხდომას თავმჯდომარეობდა:

სატენდერო კომისიის თავმჯდომარე- აკაკი საღირაშვილი

სხდომის მუშაობაში მონაწილეობდნენ:

სატენდერო კომისიის წევრები - ნინო გუგენიშვილი, გიორგი ნოზაძე, ნიკოლოზ ხორბალაძე, ზაზა გურასპაშვილი.

სატენდერო კომისიის აპარატის წევრები - ნანა გახოკიძე და ირინა მესაბლიშვილი.

დღის წესრიგი:

საოფისე აპარატურის შეკეთებისა და ტექნიკური მომსახურების ელექტრონული ტენდერის (პრეისკურანტით) საშუალებით სახელმწიფო შესყიდვის შესახებ სატენდერო პირობების განხილვა და დამტკიცება. შესყიდვის სავარაუდო ღირებულების განსაზღვრა.

მოისმინეს:

სატენდერო კომისიის აპარატის წევრის ნანა გახოკიძის ინიციატივით, სახელმწიფო შესყიდვების 2022 წლის წლიური გეგმის შესაბამისად CPV-50300000 კოდზე, განსაზღვრულია ელექტრონული ტენდერის პროცედურის განხორციელება „სახელმწიფო შესყიდვის შესახებ“ საქართველოს კანონის 15¹ მუხლის მე-3 პუნქტის „ა“ ქვეპუნქტისა და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული წესის 39-ე მუხლის შესაბამისად, სატენდერო კომისიის აპარატმა მოამზადა საოფისე აპარატურის შეკეთებისა და ტექნიკური მომსახურების ელექტრონული ტენდერის (პრეისკურანტით) საშუალებით სახელმწიფო შესყიდვის შესახებ სატენდერო პირობების პროექტი, რომელიც გადაეცა სატენდერო კომისიის წევრებს. სატენდერო კომისიის წევრებს, შესყიდვის სავარაუდო ღირებულების განსაზღვრის მიზნით, გადაეცათ ბაზრის კვლევის შედეგები.

ბაზრის კვლევა ჩატარებულია ელექტრონული კომუნიკაციის საშუალების გამოყენებით. ბაზრის კვლევის მიზნით მოთხოვნა გაგზავნილ იქნა 8 (რვა) პოტენციურ მიმწოდებელთან, ხოლო კვლევაში მონაწილეობა მიიღო მხოლოდ 3 (სამი) პოტენციურმა მიმწოდებელმა.

აზრი გამოთქვას:

სატენდერო კომისიის წევრებმა, რომლებმაც აღნიშნეს, რომ საოფისე აპარატურის შეკეთებისა და ტექნიკური მომსახურების ელექტრონული ტენდერის (პრეისკურანტით) საშუალებით სახელმწიფო შესყიდვასთან დაკავშირებით წარმოდგენილი დოკუმენტაცია მისაღებია.

ბაზრის კვლევის შედეგების გათვალისწინებით მიზანშეწონილია პრეისკურანტის სავარაუდო ღირებულებად განისაზღვროს 23,210.00 (ოცდასამი ათას ორას ათი) ლარი, ხოლო შესყიდვის ობიექტის სახელშეკრულებო ღირებულებად - 6,000.00 (ექვსი ათასი) ლარი.

კომისიამ დაადგინა:

1. „სახელმწიფო შესყიდვის შესახებ“ საქართველოს კანონის მე-12¹ მუხლის მე-4 პუნქტისა და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული წესის მე-15 მუხლის შესაბამისად სატენდერო კომისიამ დაამტკიცა წარმოდგენილი სატენდერო პირობების პროექტი.

2. ბაზრის კვლევის საფუძველზე, პრეისკურანტის სავარაუდო ღირებულებად განისაზღვრა 23,210.00 (ოცდასამი ათას ორას ათი) ლარი, ხოლო შესყიდვის ობიექტის სახელშეკრულებო ღირებულებად - 6,000.00 (ექვსი ათასი) ლარი.

3. დაევალოს სატენდერო კომისიის აპარატს „სახელმწიფო შესყიდვის შესახებ“ საქართველოს კანონის მე-12¹ მუხლის მე-2 პუნქტის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული წესის მე-16 და მე-17 მუხლების შესაბამისად უზრუნველყოს სატენდერო პირობების ქართულ ენაზე განთავსება სახელმწიფო შესყიდვების ერთიან ელექტრონულ სისტემაში.

4. სატენდერო პირობები დანართის სახით დაერთოს სატენდერო კომისიის სხდომის ოქმს.

სატენდერო კომისიის თავმჯდომარე

—

ა.სადირაშვილი

სატენდერო კომისიის წევრი

—

ნ. გუგენიშვილი

სატენდერო კომისიის წევრი

—

გ. ნოზაძე

სატენდერო კომისიის წევრი

—

ნ. ხორბალაძე

სატენდერო კომისიის წევრი

—

ზ. გურასპაშვილი

სატენდერო კომისიის აპარატის წევრი

—

ნ. გახოკიძე

სატენდერო კომისიის აპარატის წევრი სხდომის მდივანი

—

ი. მესაბლიშვილი